



松江府屬縣疆界參錯圖 東





江南經畧卷之四

崑山鄭若曾伯魯著 男 應龍左卿 校

五世孫起泓男定遠重訂

孫有穀 校字

卷四上

松江府總論

雲間自古大兵不經之地而惟島寇之變為可憂
 蓋東南二面皆濱於海賊易登犯且居蘇常上游
 為浙西外捍是以罹患獨深於他郡也其守禦之

法有三重焉守金山衛青邨南滙二所獨樹營蔡廟胡家柘林川沙等堡循海塘而東北者陸路也守吳淞江黃浦口自東北而西南者水路也此第一重也守三林周浦曹涇張涇等鎮爲海塘聲援者第二重也守閔行烏泥朱涇等港使賊不得渡浦而西者第三重也之三者吳淞之守爲尤要蓋島寇之來水陸並進若守浦斷舟海塘之寇豈能飛渡哉其勢必由吳淞江口衝入不問原來賊船與擄吾民船一潮可至耳必以闔郡水兵悉力禦此斯上策矣

元韶按松郡負海枕江民生其間多秀而敏尚清雅飾玩好境內皆然而畏首事喜隨衆信鬼惑訟家招異徒盜之招也悉力以守浦口者防其潰也一潰則退保郡城難以遏其衝矣慎三重而嚴吳淞其攘外寧內之上務乎按察司僉事鄭元韶識

松江府疆界考

松江古揚州之域天文斗分野禹貢三江既入其一爲松江此郡名所本也周武王封仲雍曾孫周章於吳松江爲吳地吳自壽夢益昌大始築華亭爲停留宿會之所華亭之名著於斯矣周元王時越滅吳地屬越顯王時楚滅越封春申君於故吳城地屬楚秦始皇罷侯國置郡縣會稽郡治吳領縣二十六松江爲婁縣地漢高帝封從兄賈爲荆王更會稽郡爲荆國後以封兄子濞爲吳國國除復爲郡王莽改婁縣爲婁治光武中興仍爲婁縣

順帝分浙以西為吳郡領縣十三婁隸焉梁武帝天監中置信義郡治常熟省婁縣入焉大同初析

故婁地立崑山縣治在今華亭地析海鹽東北境

置前京胥浦二縣尋省胥浦入前京前京在今華亭東八十里

以地近京浦故名胥浦在今華亭西南胥浦鄉其地有壇步平江花緒等名又侯景嘗以前京並海

鹽立武原郡陳初以崑山前京屬吳郡尋立海寧事見梁書

郡以前京隸之後王分吳郡置吳州以海寧隸之

隋文帝罷吳州及信義郡改吳郡為蘇州而以前

京入常熟後復置崑山縣隸蘇州唐武德九年析

前京地入海鹽天寶十年吳郡太守趙居貞奏割

崑山南境嘉興東境海鹽北境立華亭縣移崑山

縣治於馬鞏山華亭始自為縣按今平湖縣尚存華亭鄉係海鹽分

隸則居貞所割北境止還華亭故地而猶未盡也姑蘇志又云長洲亦割地入華亭仍屬蘇

州會昌四年陞華亭為上縣僖宗幸蜀為海寇王

騰所據錢鏐遣顧全武攻拔之地屬吳越以蘇州

為中吳府置開元府於嘉興以華亭隸之後罷開

元府華亭隸中吳後晉天福四年錢元璪奏以嘉

興為秀州華亭屬焉宋寧宗時陞秀州為嘉興府

元至元十四年陞嘉興府為路陞華亭縣為府屬

焉領華亭縣十五年改為松江府二十九年從知

府僕散翰文議割華亭東北境立上海縣泰定三年罷府以兩縣屬嘉興路立都水庸田司於府治天曆元年罷司復爲府元末爲張士誠所據 太祖遣將討平之洪武中以松江府直隸南畿爭於南境置金山衛領千戶所六嘉靖二十一年巡撫都御史夏公邦謨巡按御史舒公汀奏割華亭上海地建青浦縣於青龍鎮二十二年廢本府現領

縣二

華亭
上海

東西一百六十里南北一百五十二里東至大海一百里西至蘇州府長洲縣界六十里南至

金山衛濱海七十一里北至蘇州府崑山縣界八十里東南至青邨千戶所濱海一百十里西南至浙江嘉興府嘉善縣界二十七里東北至蘇州府嘉定縣界一百八里西北至蘇州府崑山縣界八十里

松江府城池考

松江府城廣袤凡九里餘元末張士誠據吳時築陸門凡四水門各附其傍門有樓樓外為月城國朝洪武三十年因而葺之立松江守禦千戶所專管守護城池城上建敵臺窩舖其地後殿九峰前襟黃浦大海環其東南三江繞乎西北平疇沃野四面極目東南之重地也嘉靖間島賊入寇知府方廉捐俸增葺

城

週圍九里一百七十三步高一丈八尺厚如

之

池

潤一十丈深七尺餘

陸門

四座東曰披雲西曰谷陽南曰集仙北曰通

波

水關

四座東西南北各一

敵臺

二十座

窩舖

二十六座

雉堞

舊三千四十八堞今加以新造敵臺共三千三百八十九堞

三百八十八畝

小書三千四十八卷今以原裝編臺共三千

撤

十六

窩

松江府守城官兵考

洪武初設民兵萬戶府簡民間武勇之人
編成隊伍以時操練有事從征事平還復
為民有功者叙後革萬戶府而設守禦松

江千戶所其時尚每歲調太倉鎮海二衛

羨卒更番戍守至洪武三十年始定今制

以金山衛中千戶所一署分駐之開建公

署於府治東南舊設千百戶鎮撫二十三

員旗軍一千一百二十名以守護城池設

屯田一百六十一頃有奇歲收子粒三千

四百六十餘石以充月糧有不敷於二縣民糧支補軍兵之外又僉選民壯操練以備禦非常正統景泰以後歷有更制經嘉靖之倭警而兵額頓增矣

守禦松江千戶所

國朝洪武間設隸中軍都督府

署在府治東南望仙橋東 十百戶所在千戶所門左右翼 鎮撫司在所治西軍器局在所治內 演武場在太平橋北南城下

正千戶四員 副千戶十員


內掌印兼清軍屯局一員管巡鹽巡江一員管巡捕一員管城操一員管運糧一員管陸哨練兵一員管水哨練兵一員派守四門各一員其餘聽差

百戶十員

每百戶所設總旗二名小旗十名

鎮撫二員

原額旗軍一千一百二十名



松江府備寇水陸路論

松江一府爲縣者二曰華亭曰上海也然上海當賊之來華亭當賊之去故同一府地也而利害有淺深何言乎賊由大海而來登泊海岸者必零賊也從江口而來逕入者必大艚也零賊登陸以漸而積易於勦除大艚入江其勢必盛揚帆直入城下然後分艚掠華亭諸鎮此必然之勢也故曰上海當賊之來華亭附郭不當賊至之衝其西北澱山三泖可以通蘇州西南呂港獨樹可以通嘉興賊往二府必由此進志在二府則無志於松矣故

曰華亭當賊之去

林中丞評 自嘉靖甲寅賊連歲犯上海及
松城未嘗有借道松郡而竟往蘇州嘉興者
然則上海當賊之來華亭當賊之去似未必
盡然但此中大勢自是如此惟水備吳淞江
黃浦口而歸重於吳淞陸備青邨南匯川沙
柘林蔡廟港獨樹營而歸重於金山戰守兩
修雲間安堵矣

松江府海防論

松郡之海起獨山而迄小湯窪迢迢二百四十八
里皆有護塘爲之限隔高厚如城別無港汊可以
通海護塘之內外相夾皆水也在內者謂之運鹽
河又謂之橫港在外者謂之塹濠又謂之護塘溝
昔人所以築此塘者本爲捍鹽潮恐其害苗也

國初用爲金湯以備倭患設衛所壑堡於塹濠之
外寇至則捍禦於海岸灘塗不容登泊萬一不支
則踰塹而守寇進不得攻退無所掠護塘之功用
匪渺矣近因塹濠多湮護塘海岸合爲一片寇至

卽聚於護塘而運鹽河之內水田狹塍難於屯禦
爲今日計亟宜浚治塹塘不復衛所塹堡之法挑
選陸兵委知兵叅將精練於平時遇春秋二汛則
分布信地協守互援無容賊得登岸松郡海防庶
爲計得耳

松江府海防議

嘉靖癸丑峇方郡伯

松江自金山衛至南匯所官軍各分信地各有定額

詳見沿海營堡兵防考

每歲二月上班十月掣班青邨以

東各洪港舊制係青邨官軍把守南匯以北各洪港舊制係南匯官軍把守今查修復海塘須照舊分派但太倉鎮海嘉興同有倭患貼守官軍似難調發相應於金山青邨適中如柘林地地方南匯吳淞江適中如七八團地方添設陸路把總二員各領精兵一千如募到狼兵邳兵之類若兵數不敷就於沿海招募義勇照依客兵支給口糧各官兵

卽於柘林七八團暫借民居劄營隨路有警相機
策應不許潛住衛所城中各設守禦官軍悉聽鈐
轄此松江海塘設備之大畧也若沿海港口金山
以東有翁家港蔡廟港柘林滙缺等處南滙以北
有四五六七八九團洪口川沙窪清水窪等處皆
宜設船防守按舊制金山衛所造船各有定額左右
前後四所每百戶所造出海哨船四隻共計八十
隻青邨南滙二所每百戶所造出海哨船四隻共
計八十隻俱就各衛所派撥巡軍在海巡邏正統間因
海患寧謐或以船爲虛費題准以江船易馬而哨
船之制遂廢矣今議設船隻一馬之資不足以備

一船之用官軍窮苦又難賠贖合令每馬二匹造
船一隻再於衛所查有地租公費銀兩與松江府
庫軍前銀內相兼湊數每船量貼銀十兩金山衛
總委一官督造其各船應用器械火器合於原議
太倉州置造軍器內給發聽用就點各衛所知水
軍人操習水戰布列港口各分信地如倭賊突至
而縱容其停泊者服以上刑則自無規避之患矣
此松江海港設備之大畧也夫沿海設備固爲上
策萬一外守不固則黃浦一帶又爲蘇松險要守
浦乃所以守門戶猶有愈於守城也今吳淞江口

卽爲黃浦口子旣經設備而吳淞江所亦設兵一枝以防深入矣而至於上海之高倉渡沈莊塘周浦閘港閔行華亭之葉謝曹涇張涇等處賊一登岸搶船渡浦甚易除松江府先後打造雙塔船鷹船各發上海華亭各召募水兵分布沿浦各港巡邏把截又華上一二縣各募鄉兵護守城池有警調至浦邊協守但前項兵夫官無專職則事難責成而沿浦二百里之遠本府巡捕官一人勢難管攝合令清軍同知一員帶管華亭鄉兵水兵自豐涇以至閔行皆其信地再設巡捕同知一員住劄上

海專管該縣鄉兵水兵自閔行以至嘉定界首皆其信地無事率兵操練有事統兵防守蓋同知名位稍尊威令可行又甲科之左遷外補與舉行之才望陞遷者皆得爲之庶濟實用若止設通判則爲官非樂就而下亦玩視恐不能振作而有爲也此松江內地設備之大畧也然倭舶之來乘風渡海勢難聯絡每至海外大小必停泊候齊然後深入照得羊山爲本府所屬爲定海吳淞江二總兵兵船會哨之處以地里適均故也本府所造之船數本不多僅可以資把港之用此但可以言守而

不可以言戰須得福船蒼山船各數十隻沙耆民
船二三百隻每至風汛時月分泊港口各住信地
更番出至羊山往來遊擊晝夜不絕外則爲定海
吳淞江會哨兵船之羽翼內則爲海港把守兵船
之捍衛遇有海賊齊力奮擊將見賊船鯨散而少
我兵船鯨合而衆盛衰之氣勢旣分則勝負之分
數自判得海防之上策矣抑猶未也查得沿海民
竈原有採捕魚蝦小船並不過海通番且人船慣
習不畏風濤合行示諭沿海有船之家赴府報名
給與照身牌面無事聽其在海生理遇警隨同兵
船追勦此則官兵無造船募兵之費而民竈有得
魚捕盜之益此松江海洋設備之大畧也

金山衛南臨大海西控浙界北之沙塗至
此而盡南之山嶼至此而終賊自下八山
分鯨單西鉞可以直搗乃浙直第一門戶
洪武初安遠侯經畧海上置衛於此而以
備倭都指揮領之誠得備禦長策承平日
久武備廢弛甲寅倭起徐海欲據為巢攻
圍甚久天幸獲守時遂設遊擊一員駐劄
亦重局鑰之意而迎擊尾追遙援旁應之

松江府經畧議

隆慶丁卯谷董侍御

金山衛

金山衛南臨大海西控浙界北之沙塗至
此而盡南之山嶼至此而終賊自下八山
分鯨單西鉞可以直搗乃浙直第一門戶
洪武初安遠侯經畧海上置衛於此而以
備倭都指揮領之誠得備禦長策承平日
久武備廢弛甲寅倭起徐海欲據為巢攻
圍甚久天幸獲守時遂設遊擊一員駐劄
亦重局鑰之意而迎擊尾追遙援旁應之

計漫不之講宜嚴爲令與接壤兵衛相爲
犄角無致賊取道毋致賊延蔓有失事者
并論可也

柘林

嘉靖中倭寇入據柘林爲巢者其故有二
一是各處海壖多灘塗閣淺而柘林獨否
其來易於登岸其去易於開舫一也一是
海濱至內地必由小港出浦若非潮至則
水澀難行柘林之西獨有下橫涇荒巖河
深而且濶可縱行舟片帆出浦卽是葉謝
行十八里卽抵郡城二也一是地方素聞
富饒大家多蓄積盛宮室屯聚有資棲止
可容三也將來備倭當知永鑒矣

青邨

松江地形三面臨海金山當其南南滙當
其東青邨其東南二面轉屈之會乎故金
南之間此爲要衝舊以千戶領之勢殊單
也至嘉靖甲寅冬季爲賊所陷始設把總
於此然株守一城不能爲海防輕重欲爲
經久之圖必宜號召居民實粟城內兵民

雜守而專練精熟遇寇突擊諸堡互相應援斯計之得耳

南滙

南滙在上海境內下沙新塲周浦八團諸鎮舊號富庶皆本所信地嘉靖倭亂乙卯爲賊所戕遂設總練官一員常川駐守於此然賊之犯上海也每自吳淞江入黃浦逼臨城下南滙反在其外若能統練精兵自外衝擊攻圍亦一勝算

川沙

舊制南滙與吳淞所互爲聲援然相去一百五十餘里又隔吳淞大江兵難急渡賊至飛報且不能達况提兵策應乎嘉靖甲寅賊據爲巢與老鸛嘴柘林新塲之賊合本鎮頓成丘墟丙辰亂稍平遂築城堡以一千戶守之而隸於南滙把總然未盡算也歷年賊觜每自寶山旱寨登岸擄掠而南則此堡正當其衝視南滙青邨二堡更爲剝牀所設軍餘一百名弓兵八十名果足備禦乎倘遇賊警把總之兵豈肯棄南

江甯縣志卷四
三
滙而赴川沙乎合無移把總駐劄此地而
予以軍卒五百人戍守有事與寶山首尾
捍禦庶總司不以遙制推諉而事權得行
氣勢得壯誠備禦之長策也

寶山

江東旱寨有二一在寶山一在高橋鎮皆
國初設以備倭者今廢久矣無議及修復
者豈以青邨南滙當其前吳淞擁其後形
勢以壯而寨兵不足爲有無耶竊見此地
物饒民殷賊所窺伺而守江守浦之兵俱

在內地青邨柘林川沙南滙諸堡僅可遏
賊於南吳淞江兵船僅可遏賊於北不能
顧焉况賊見南北阻截不能登犯其勢必
趨之盤據爲巢故嘉靖甲寅徐海屯柘林
而令葉明屯此與新塲陳東合爲二窟藉
糧於內地連歲紛擾誰爲厲階則我自失
地利也今二地之中有界浜焉乃嘉_{嘉定}上
海之鴻溝也宜令蘇松併築一城設兵屯
戍一如常鎮孟河事例有警則二地之民
攜家以入僇力死守寇自無糧可資蓋堅

壁清野之長策也

松郡稱水鄉邊則大海腹則泖浦尤不可不習水操法然古今論操法戰法皆詳於陸地而畧於江海以風潮爲主分合進退難也勝之之法惟有鬪船力不鬪人力如遇敵舟之小者則以吾大舟犁而沉之遇賊舟之大者則使調戩奪上風用火器以攻之當前衝敵者一舟之人皆賞觀望不應援者一舟之人皆戮其賞其戮尤以督哨之人與舵工爲重每船必設舵一副以備不虞每舵工必設二三人以防損失此戰之之法也其在平日置船於陸地上集水兵演而教之兵械火器如何而設施金鼓旗幟如何而照會前後左右如何而列哨饑飽勞逸如何而更代晝夜風雨如何而防守山島沙磧如何而收泊號令約束如何而轉報習之於平陸用之於江海此操之之法也

松江海塘考

海塘之制本爲捍禦鹹潮害稼而設自春秋時范蠡築圩田之後東南田利漸興財賦漸盛至唐開元間於此築捍海塘其長起於嘉定之老鸛嘴以南迄於海寧之澉浦以西高如城垣內外皆有塘溝相夾自設此塘之後而松嘉杭無入海水口禹貢曰三江旣入今三江之中東江獨湮漫無可考職此之由也是塘也管人本爲田利而設 國初信國公湯和經畧海防借以

江南經畧卷四
三
設險備倭愚於海防論中詳言之矣因塘
舊蹟有湮有存謹考而表出之以爲直隸
軍門之助獨舉松江者杭嘉另屬浙江提
督俟他人稽例而自述之若曾不敢濫及
云

唐開元元年築捍海塘

起杭州鹽官抵吳淞江長一百三十里

元大德五年修築華亭捍海塘

因海潮衝圯重加修築

至正二年四月都水庸田司使修築華亭捍海

塘

記畧曰塘式原高一丈面濶一丈底濶二丈
今度最高處惟十四保蔡廟西九尺而已者
畧稱云塘外二里六十步已有古塘二俱被
海潮衝圯此塘係大德五年風潮後所築今
四十餘年人馬牛畜踏踐故去土一尺也及
度到合修去處九保餘閘收宿日荒字圍一
十二段十一保福田菴破窰港一十一段十
二保周公塾東來字圍三十六段十四保張
家宅西鹽倉前凌家堰蔡廟西三十段通七

江甯縣志卷四
十三處共八十九段長一千五百三丈八尺
爲八里六十五丈八尺積土三百二十五萬
一百三十二尺爲庸三十二萬五千三十
月之程日庸一萬八百三十三紐計食鹽二
十七引三十三觔糧五千四百一十六石各
有竒於是繇及平江府嘉興郡庸三千人以
築作獨平江發繇而造者二百二十四繼踵
行省臺虞以所料浩大時急難究改議怯薄
者添土幫修低窪者增高築壘爲日一十八
庸四萬二百一十有二而輟

國朝洪武三十二年遣官修築捍海塘

嘉定縣老人朱六安奏海患 勅工部遣官
修築海塘南抵嘉定縣界北跨劉家河長一
千八百七十丈基廣三丈面廣一丈

成化八年重築海塘

沿海塘堤歲久傾圯成化七年秋大風海溢
漂人畜沒禾稼巡撫都御史畢公亨巡按御
史鄭公銘水利僉事吳公瑄僉議復隄檄松
江知府白行中華亭知縣戴冕上海知縣王
密之嘉定知縣白思明起工興築越二月而

江南通志卷四
塘成華亭自海鹽抵上海界築三萬四千七百六十九丈又爲外隄起戚滌至平湖界五十三里上海自華亭抵嘉定界築一萬七千七百四十八丈嘉定自寶山北至劉家河築一千八十一丈所築隄俱面廣二丈趾倍之高一丈七尺

嘉靖二十三年增築海塘

自吳淞所南抵上海草蕩

西起金山東並南滙北抵吳淞其間窪口雖多沙塗甚遠島賊易於登岸我兵難以泊舟


國初原設塘濠因而增築庶易防禦

自一團起至九團止

護塘內外有濠濶四丈深一丈五尺

每一團設弔橋一座聽民出塘生理官軍瞭望如有寇警卽以弔橋掣去距塘而守遠可攻以箭砲近可刺以戈矛

護塘之上每一橋造窩舖三間以便守兵止宿




原件短缺

P27-33

日上班十月二十日掣班

華亭縣境圖



上海界

黃浦

鳳凰山

陸瑤山

薛山

庫公山

奈山

泗涇

祥澤

張涇

北滄塘

華亭縣

南舍

鹽鐵塘

語兒涇

瓜涇塘

葉謝

沙岡塘

鹽鐵塘

斜涇

化成巷

吳家滸

米市塘

橫涇

後岡塘

上橫塘

內護塘

青村所

蔡廟堡

東

天金山

小金山

四卷下一

胡家堡

巡司

金山營


舍衛

南營

許山

洋山

珠山



江南經畧卷之四

崑山鄭若曾伯魯著

男

應龍左卿

校

五世孫起泓男定遠重訂

孫有穀耀校字

卷四下

華亭縣總論

華亭乃松之附郭縣也泖湖鍾其西大海枕其南

吳淞江遶其北受嘉興湖州諸水之下流本澤國

也故港汊甚多利於舟楫舟楫之絕技莫如鹽徒

沿海如曹涇青邨等地鹽塲在焉鹽徒之所聚也若能撫而用之則不必另募兵勇於禦寇也何有但此輩狼子野心惟利是圖用之則公行劫掠急之則嘯聚泖湖已非一日之故矣識者謂宜擇本地大家爲衆所推服者統率之而官收鬻鹽之權或倣荆川唐公江北剩鹽之意或效見泉鄆公浙西小票之法則利溥而民悅得舟師之用而消盜賊之萌且於軍餉有賴也非與海防相表裏者耶


華亭縣境考

吳子壽夢築華亭縣名本此梁大同中卽其地立崑山縣建治在焉唐天寶十年崑山移治馬鞍山始割崑山嘉興海鹽地立華亭縣會昌中升爲上縣吳越錢氏以縣屬嘉興宋仍其舊元升華亭爲府領華亭縣後改府爲松江縣隸焉 國朝因之縣附於府其城卽府城不另列城池考


縣境廣七十八里袤八十一里東至語兒涇上海縣界一十八里西至泖湖一十八里南至金山衛濱海七十二里北至塘橋一十五里東南

至青邨所濱海一百十里西南至楓涇鎮浙江
嘉善縣界四十五里東北至七寶鎮上海縣界
五十四里西北至鍾賈山二十七里

華亭縣備寇水陸路圖



四卷下四



華亭縣備寇水陸路考

東濱大海

由東門得勝港閔行人黃浦東行過鄒家
 市至南漚由得勝港歷下黃涇胡家橋至
 柘林由橫林大門整高橋至青邨三千戶
 所皆濱海地方

西南與嘉興爲界

由西門歷朱涇泖橋至秀州塘抵浙江嘉
 興府嘉善縣

南抵金山

由西門竹竿滙歷塘口前後二港張堰查山至金山衛北門出南門卽濱海

北通崑山

由北門歷唐行磧輿千壑浦漫水港新洋江抵崑山縣東門或東南門

西北通蘇州

其路有五 一由西門歷泖湖謝澤爛泥浜澱山湖老鴉窠陳墓陳湖大姚王母湖至瓦屑涇抵蘇州府葑門謂之中路 一由西門歷尤壑章練塘石湖塘楊扇周莊鄧邨

同里尹山橋篾渡橋至葑門謂之奧路 一由北門歷唐行磧輿大慈舟直合塘唐浦斜塘金雞滄葑門塘謂之北路 已上三路皆水道也 一由北門歷崑山官塘西北行謂之北邊奧路 一由西門歷朱涇楓涇至嘉善縣嘉興府吳江官塘進者謂之借路 已上二路皆水陸俱通之道 不如水路爲捷

東北抵嘉定

其路有二 一由唐行青浦安亭外岡至嘉

定之西門者爲陸路一由上海縣西邊北
行歷唐橋陸家角高家行出吳淞江入南
橫瀝真如南翔以至嘉定之南門者爲陸
路

右水陸可通之道凡十有三其間港汊浩繁
岐路錯雜不能一一而設備也惟當摘其中
之尤要者設防制勝專駐官兵以爲守禦之
計其餘亦惟以遊兵行哨竒兵設伏輕兵出
襲焉斯可矣共計邑之險要有七曰金山曰
柘林曰青邨曰曹涇曰葉謝曰張涇曰朱涇
詳見各圖說於後

金山衛險要圖



金山衛險要說

金山衛南臨大海西控全吳與定海關同爲錢塘江之鈴鎖北之沙塗至此而盡南之山嶽至此而終賊自下八山分艚單西鉞可以直搗乃浙直第一要衝也 國初安遠侯經畧海上置衛於此而以備倭都指揮領之誠得備禦長策承平日久武備廢弛兵將玩愒上下視爲贅疣矣嘉靖甲寅賊首徐海欲據此爲巢攻圍甚久自秋八月至冬十一月始解嗣後攻城者四蓋不特欲壞蘇松之藩籬實欲長驅直搗以入嘉杭湖三郡之門戶也今

遊擊一員常川駐劄扁鑰亦云密矣但事權不一惟營保全一城視他地之殘虐非其責也故賊至惟冀其空過爲幸而尾追而迎擊而旁援之計漫不之講置衛設官之本意顧若是哉爲今之計宜調副總兵守此而以浙西吳中兵衛悉聽調發一旦有警水陸策應如長蛇陣然賊豈能直入耶或曰吳淞江口南直第一關鍵也何爲反後之曰賊之犯吳淞也必經竹箔諸沙宋信嘴楊家路而後入兵船縱不能禦之於海賊獨不思防後而敢於長驅耶歷年以來賊常巢柘林然後擄掠嘉湖蘇

州多所得志今若堅壁清野而以重兵駐扼金山則賊進退失據枵腹待斃矣豈能馳突哉故吳淞所一叅將足以領之而浙直要衝非總兵不可也

金山衛城池考

金山衛在府治南七十二里夏少康封子無餘國

號於越春秋時始廣境至此周康王築金山城以

鎮大海衛名本此按金山在府東南海水中去府

城其北即古之海勾踐入臣於吳夫差以地封之

鹽縣後淪於水至武原即金山地秦始皇即其地置海鹽縣尋陷

為湖徙治於武原梁時為前京縣境唐置華亭縣

屬華亭境 國朝洪武十九年始建金山衛衛城

南瀕海與金山對峙西連乍浦東接青邨南滙嘴

東北抵吳淞江控引幾三百里營堡烽堠氣勢聯

絡隱若金湯城週十二里有奇建衛時 欽命安
遠侯等起嘉湖蘇松等府衛軍民所築永樂十五
年九月命都指揮谷祥增堯繼因潮沙淤塞復命
指揮侯端等督修挑濬

城

週圍一十二里二百步有奇高二丈八尺

池

濠週於城廣一十二丈深一丈八尺

陸門

八座

水關

四座

門樓

四座

角樓

四座

腰樓

八座

敵臺

八座

箭樓

四十八座

窩舖

七十二座

雉堞

三千六百七十八垛

金山衛兵防考

金山衛指揮使司

國朝洪武十九年設隸中軍都督府

署在衛城內 軍器局在衛治西 演武

場在衛治東門外

指揮使同知僉事共一十八員

內掌印一員管屯一員三巡一

員城操一員

鎮撫司鎮撫一員 經歷司經歷一

員 軍儲南倉大使一員

領所七

左千戶所千戶五員 百戶十員

右千戶所千戶三員 百戶六員

前千戶所千戶六員 百戶一十二員

後千戶所千戶五員 百戶十員

已上四千戶所署俱在衛城中

共統客土軍兵一千七百五十二名軍餘

二百九十三名

中千戶所以守禦松江府分署府城

中前千戶所以守禦青邨分署青邨鎮

中後千戶所以守禦南滙分署上海縣十九

保

嘉靖中倭患於本衛添設遊擊將軍統領馬

步游兵往來巡徼北以護松江西以援乍浦

舊屬青邨南滙二所堡至是益以柘林川沙

一二堡皆屬統轄有警以該營爲正兵以乍浦


及諸堡爲奇兵一聞警報左右策應首尾救

援

以船易馬議

嘗考金山建衛之初原有哨船若干隻倭船畏淺
既近岸則我舟輕捷可以計而破之自正統末而
始以哨船易馬不識其爲何見夫馬所以備追奔
逐遠之用也賊既登舟馬將焉用不過備權門之
給役而已故自以馬易船以來奸人出沒海上揚
帆過衛鼓噪聲聞不復知其爲誰至有劫掠居民
傷舟海壘我將爲捕彼卽開洋皆爲廢船之故兵
法貴先人有奪人之志而此則甘心於受敵而忘
先事之圖也是故以船易馬舊制不可以不復

柘林險要圖



柘林築堡議

或問柘林有險隘乎曰無有曰然則往年島寇巢之何也曰其說有五一是各處海壖多灘塗閣淺柘林獨無其來也易登岸其去也易登舶兵法安營最忌無進退之路此地進退皆便一也是一是柘林大家多蓄積美田宅春熟已成青苗布野賊至而據之因糧於我兵法安營須有通糧之道此地不患無糧二也一是海濱至內地必由小港出浦非潮至則水澀艱行柘林之西獨有下橫涇荒巖河可行深而且濶片帆出浦卽是葉謝十八里抵

郡城兵法入他境道路有便有不便有寬有窄此地深入便利三也一是柘林枕海賊舟歛至我兵哨望不及阻截不能兵法安營不居江河之岸外無救援此地則賊舟易於接應四也一是金山青邨南漕諸堡官兵守禦頗嚴賊若初至而卽欲攻之堡未必下而援兵至矣不如柘林之民棄家而走取之易易兵法敵人遠來營寨未安可擊此時結寨不宜遲五也曰柘林既有此五利則將來備倭必當以此爲要害之首而築堡設兵當與金山青邨南漕例論乎曰未也昔倭之初來也柘林甚

富一時相其便宜而棲之自罹變後室廬燬矣蓄積亾矣田地荒矣戶口流移矣賊不能一朝居也此時不當築堡旣築堡後不當不興屯田之議何也險不在堡而在於守守堡有人則我得恃之以禦敵否則所謂堡者敵反據之以拒我矣曩時當道鑿柘林之患謂賊來必將復據須設險以待之此意未嘗不善也築堡之後苦無居民下令戶口歸守者給賑恤銀五兩此意未嘗不善也一時貧民貪利報官建草房一二間影射復業實姑藉此以爲聊生之計耳寇至卽奔何所顧戀而固守乎

其有恒產者傷弓之鳥遷避城邑亦非召令之所
能致是堡也其誰與守愚所謂不當築者此也大
兵之後田皆廢棄民無力以耕亦慮變而不敢耕
稍與之值卽樂於售矣有乘此時而買之雖甚肥
田不過四錢五錢而止募兵勇給工食官與之田
人十畝或二十畝兵在於此田亦在於此田與兵
相去不遠聽其收穫蠲其租賦無事則出耕有事
則入守兵旣視屯田爲已資豈肯捨以資敵必效
死以爭之協力以護之以田爲業以堡爲家以所
領之工食爲活計必不患其棄城而走也兵有固
志則大家亦肯遷歸而此堡爲有用矣失此之圖
而望民之居責兵之守也有是哉或曰今猶可及
行乎曰柘林之田價未嘗賤也寇患久寧民各自
以其業爲業膏腴者孰肯棄而棄者孰肯賤乎兵
多田少官府措置且難其惟開積荒之田庶爲便
易然積荒田離堡多遠屯則妨守守則妨屯求欲
彼此兼濟當事者預爲之計可也

[Faint bleed-through text from the reverse side of the page]

柘林堡城池考

柘林本古鎮原無險阻以其臨海嘉靖甲寅倭至
取便結老巢於此巡按御史尚公維持因建議築
堡

城

週圍四里高一丈八尺

陸門

三座

水關

墩二座

雉堞


一千八百七十垛

柘林堡兵防考

柘林在華亭縣十二保去府治東南七十一里地連柘山右距戚木涇曹涇爲海人輻輳之處東自橫林鑿爲青邨界西至胡家港爲金山界各二十五里北至南橋鎮十八里南至海塗半里許皆其信地初撥金山衛後千戶所官軍守駐後於本衛左右前後四所抽撥軍餘三百名統以百戶一員建造營房三百間居守近議添設把總一員部下常川操練官兵五百三員名與原戰馬二十四匹以千百戶二員領哨訓練汛時仍於金山青邨每

處每日撥兵一百名不分晝夜往來巡哨有警飛報總兵遊擊青邨南匯等處互為應援該總為正兵左右為奇兵

青邨所險要圖



青邨所險要說

青邨所卽金山中前所也松江地形三面臨海金山當其南南滙當其東此其東南二面轉屈之會乎故與南滙同隸於金山而此城尤要何也離府太遠一也金南二城有事策應之責本所兼之二也舊以千戶領之勢亦弱矣甲寅季冬爲賊所陷始設把總於此然株守一城不能爲海防輕重蓋設所屯戍一以禦外一以安內賊至不能攻坐視諸鎮殘毀而不能救是與不設同耳欲爲經久之謀必令海防府佐巡行諸堡號召居民實粟城內無事散處田塍盡力農畝有事悉入城堡堅壁清野以待其斃兵民雜守而專練精熟若遇寇突擊諸堡互相應援賊進無所掠退無所據我兵乘其憊而擊之蔑不勝矣

青邨所城池考

青邨一名青林在金山城東一百里去府治一百二十里原係古鎮 國朝洪武十九年安遠侯經畧海防建議築堡永樂十五年都指揮使谷祥增修

城

週圍五里八十步高二丈五尺

池

廣二十四丈深一丈七尺

陸門

四座上各有樓樓外各有月城

角樓

四座

敵臺

十一座

箭樓

二十八座

窩舖

一百三十座

雉堞

一千七百六十座

青邨所兵防考

守禦青邨中前千戶所

洪武二十年建卽金山衛中前千戶所分置也
隸中軍都督府東至南滙界六壑西至柘林界
戚滌壑各二十五里北至一橋南至護塘皆其
信地

千百戶所鎮撫司軍器局廣積倉俱在城

內 演武塲在南門外

千戶五員

內考選掌印一員城操一員巡捕一員巡

江一員屯局一員


百戶十員

內分委掌印一員陸路一員守港一員其餘聽差

鎮撫一員

共統官旗舍餘一千一百六十九員名俱聽掌印千總調度守城內有選鋒軍餘土兵共三百名千戶一員訓練以備應援截殺之用汛時仍於柘林南滙每處每日撥軍五十名不分晝夜往來巡哨有警飛報總兵游擊柘林南滙等處互爲聲援該所爲正兵左右爲奇兵沿海整臺掌印官選撥精壯軍餘每整五名帶馬一匹住守瞭望往來飛報以便策應

曹涇鎮險要圖



松江府

華亭縣

北

吳會

閔行鎮

南倉

黃浦

東

西

曹涇鎮

張涇鎮

蔡家堡

胡家堡

金山營

金衛

南

曹涇鎮險要說

曹涇鎮在府治東南七十里介於柘林金山之間逼處護塘之內賊巢柘林欲南過金山此其必經之地也其地爲鹽徒淵藪操艘出入波濤閑習如禦馬海寇頗畏之用之得宜儘可禦寇不必設兵而兵莫强者也往年賊嘗過之因見家有鹽包不敢焚掠相戒勿犯而去後至者不知也如常攜掠遂爲此輩所逼遁於海中小山鹽艘圍之數匝焚其舟絕其粒賊甚窘迫適倭鯨大至遂爾脫去今宜擇本鎮富戶爲衆所服者異其禮貌免其襍徭使得部署竈丁團營本鎮一有賊警分番出哨賊自不敢長驅矣


林中丞評

曹涇爲鹽徒淵藪則區處有方

藉以捍患亦良法也第恐鹽法大事使自得部署團營萬一不逞恐臨前門拒虎後戶進狼之戒亦須有以統轄之乃可

自不始身耶夫
 與醫術醫道十國皆本喻之亦洲皆衣香出即視
 林中大平
 曹平
 謝以
 謝之
 謝之
 謝之

葉謝鎮險要圖



江甯縣志卷四下

三

葉謝鎮險要說


葉謝鎮

葉謝以二姓居此得名居民稠密商賈輻輳舊有稅課局今廢

在府治東

南地隸八保與蕭塘鄰其外爲柘林處腹而勢衝往年賊首徐海據柘林爲巢常自此渡浦至瓜涇而西以犯府城故必屯官兵一枝守此以遏賊衝使不得渡浦策之上也議者謂其逼近賊巢非可守之地不若設險閔行鎮遏賊浦西之善不知賊已渡浦勢必散漫閔行特可遏北衝之勢固難阻其西犯也故必屯兵守此北與閔行互相策應西與曹涇互爲首尾遏賊於旣渡之後不若遏賊使不得渡之爲善也


張涇鎮險要圖



張涇鎮險要說

張涇一名張溪在府治南五十里宋人堰海十八
 所之一也浦東場鹽課司舊設於此後以牢盆相
 遠別建署於堰南鎮有陸路北通府治南控金山
 金山當沿海極要之地然離府太遠孤立無援非
 禦寇長策也且寇由此北衝直達府治更無重兵
 以遏其衝故必設險於張涇南為金山聲援北為
 府城屏障計斯得矣

朱涇鎮險要圖



朱涇鎮險要說

朱涇一稱珠溪在府治西南三十六里爲雲間巨鎮古於此置大盈務東通黃浦西通三泖水寇睥睨之地也舊設泖橋巡司在鎮巡緝以其南遵水達海鹽平湖北從泖達蘇州嘉興鹽艘出沒便利故駟魁大猾召暴橫亡命之徒趨之爲窟往年賊巢呂巷此爲切近之災賊若自浙西而來此又其必由之衝也不可無備

林中丞評 青柘設屯此爲久長之慮曹涇賊嘗避之蓋忌鹽徒之悍也就彼編甲賊至與爭而又設備於葉謝及張朱二涇之間寇終不敢犯矣

華亭縣巡司 弓兵數附

金山巡司

宋元以來有之洪武三年建於張涇至十九年徙建胡家港口在府治東南六十里設弓兵四十名往來巡邏

戚木涇巡司

洪武三年建於南橋鎮至十九年徙建於戚木涇在府治東南七十里設弓兵四十名往來巡邏

泖橋巡司

江甯縣志卷四
言
洪武三年建於柳橋之東數里朱涇鎮在府治西南三十六里設弓兵四十名往來巡邏

小蒸巡司

洪武七年建於小蒸鎮在府治西三十六里設弓兵四十名往來巡邏

白沙巡司

洪武七年建於金山衛城西數里設弓兵四十名往來巡邏

陶宅巡司

洪武三年建於陶宅鎮設弓兵四十名往來巡

邏

澱山巡司

自元以來有之洪武三年建於澱山湖濱在府治西北六十里設弓兵四十名往來巡邏

華亭縣倭患事蹟

永樂十六年戊戌

二月倭寇入金山衛指揮同知侯端擊破之

端素剛勇初抵任以金山東南要害修城濠
備器械練士卒爲戰守備至是倭寇登岸端
與指揮郤■分兵出戰郤出南門全軍皆覆
賊由南門入城斷各門橋端孤軍在東門不
得入乃引兵至西門橋亦斷仰天歎曰城亡
吾分當死安可偷生遂策馬一躍過河入西
門衆不能繼與賊巷戰數十合身被箭如蝟

轉戰至衛門賊驚曰好將軍也乃以所掠染家布橫於街欲生致之端馳至以一劍挑布一劍截而斷之賊仆地而笑端由是得馳出東門次楊家橋鳴鼓招散卒得百人令曰今潮退舟膠人持草一束與砲俱進至海灘焚賊舟十餘艘賊不得歸遂大敗

嘉靖三十二年癸丑

三月賊犯青邨所焦塾百戶王河禦戰死之賊寇突犯河率隊長陳九等倉猝出禦戰歿於陣賊遂掠下沙等處縱橫海上莫有議擊者月餘去攻乍浦

閏三月賊犯縣境

賊首鄧文俊林碧川沈南山等分衆劫掠

五月賊犯縣境

賊船一鯨自浙西流來過金山衛而東劫掠縣境

府同知都文奎敗賊於吳淞江又敗之於葉謝鎮寶山洋

七月賊掠諸邨鎮

賊過柘林分掠各邨鎮其舟半泊曹涇之南

半泊川沙洪口

官兵敗賊於獨山

斬首千餘餘衆浮海東遁

十一月賊犯縣境

賊由滌缺登岸流劫木涇金山衛

嘉靖三十三年甲寅

二月副總兵湯克寬擊賊於吳淞江大敗之

斬首一百七十餘級

三月賊攻府城

賊過柘林掠蕭塘至曹涇越三日復還蕭塘

官兵與戰巡檢李叢祿死之賊渡浦踰瓜涇

抵南倉副千戶童元等率官兵禦之元力戰

死賊遂攻南門殺縣丞劉東陽燬軍儲南倉

及居民廬舍四百餘間撫按登城捍禦有一

酋跳躍侮詬教授韓崇福射殺之又發二矢

皆殪其魁賊乃退屯朱涇領兵官紀邦寧追

及之賊戰敗遁走是日復有賊自上海泗涇

來者攻圍東門官兵敵退之賊屯南倉走花

涇叅將湯克寬兵備僉事任公環海防僉事

董公邦政提兵擊之賊乃退走南滙所大門

江甯縣志卷之四
三
整地方

四月賊首王直等巢柘林

賊首王直與徐碧溪吳德宣等營柘林爲巢窟聯絡二百里如老鸛嘴七八團之間皆其部落之所屯聚也

賊臨城下兵備僉事任公環總兵湯克寬擊走之

壬申賊五百餘人由上海陸路逼府東門兵備任公環總兵湯克寬提兵擊走之癸酉復有自周浦來者焚西門水次倉倉長橋民居悉爲煨燼任公環統兵出戰自辰至午轉戰至北門賊散去焚掠自北俞塘南抵板橋七十餘里火三晝夜不絕甲戌西過廣富林劫唐行鎮分掠朱家角沈巷林家角葑澳塘至青浦奪漕船棄糧水中載所擄獲出海巳卯賊八百餘人自閔行抵西倉燒殘殆盡泊小橫潦涇分劫泖濱東自尤整至呂巷西自章練塘至楊扇悉被焚掠未幾復有賊自爛路港來者焚南門民房分一枝掠報國寺爲湯克寬兵所拒

五月賊攻府城官兵擊却之

戊戌朔賊七百餘人列陣南門西至長橋酋長四人臨城城上發佛狼機斃其二鄉兵殺其一乃退入白龍潭寺殺數百人次日劫金澤鎮辛丑復掠橫潦涇住平原邨丙午過章練塘入朱家角庚戌自楓涇抵金澤鄉兵浙兵三百餘艘圍之馬家兜癸丑賊潰圍走半入楓涇半出石湖橋山東省祭官孫鏗帥衆追及度橋弦絕復張伏起無援與從者十人俱戰死賊據上橫涇中書馮豹家遣船據爛路港邀截避難者鄉邨無完室

六月總兵湯克寬敗賊於葉謝

庚午賊載輜重行道經葉謝總兵湯克寬邀擊大破之斬首四十餘級獲其七舟

七月賊首徐海巢柘林

賊首徐海旣據柘林爲巢穴未幾蔡廟八團之賊皆來合之共爲一巢搭厰舍爲久居之計

八月賊攻青邨所金山衛

蔡廟港賊旣併入柘林賊巢遂攻青邨所繼

至之賊登周公塹者千餘攻南滙所旋亦入
賊巢與新至之倭合攻金山衛皆爲官軍敵
退

九月柘林賊攻青邨所官兵擊走之

乙卯賊攻所城相持十日賊驅鄉民舁雲梯
而進分布四門爲游兵二隊往來城下於東
南隅吹海螺則四面急攻城內矢石雨下殺
傷頗多賊左挽牌右舞刀躡梯若平步千戶
陳元恩發矢中其吭有朱衣賊乘騾行巡海
塘元恩弟元思發神鎗殪之乃解去 十月
乙亥賊以失利青邨使二十四人詐爲疲弱
以致我師指揮徐承宗千戶葉緒出兵擊之
誘入伏中僅以身免

賊攻府城

時雨甚城西南隅崩推官吳時來撤戍士以
箭弩手數十人扼其衝夜選壯士取屋木立
柵城外以衛修城者單騎出南門督之黎明
而畢三日城完賊亦尋引去

十二月賊陷青邨所

先是賊攻所城者數次官兵守備極嚴賊皆

負傷而走積忿詣柘林借兵二千來攻弗克
賊亦計窮欲去辛未雨雪竟晝夜賊以絮蒙
首薄城會守門百戶之伯有爲賊所擄者賊
令邛南門呼姪求入姪聞伯音以繩下挽昏
黑之際賊乘隙以登百戶首先被殺賊遂入
城焚劫居民爭出北門殺傷踣籍積骸成丘
後三日民稍集賊又突至南門竄處北門者
如前遂爲空城

三十四年乙卯

正月老鸛嘴賊至與柘林賊合

賊攻金山衛

二月賊攻青邨所

翁時獎等擊敗之

把總金漢等邀擊賊於青邨大敗之

甲寅賊百餘人自桐鄉還過青邨把總金漢
與千戶陳元恩監生盛濟時邀擊大敗之斬
首四十餘級乙卯從南漕所北行把總婁宇
盡殲之

柘林賊出掠官兵擊敗之

先是官兵出哨者設伏要路佯以弱兵挑賊

江甯縣志卷四
賊弗顧而東官兵擊之賊驚訝伏起翼擊賊
遂敗走

三月總督尚書張公經統師來討賊

公督大兵駐府城欲爲搗巢之舉賊糾川沙
等巢分番迭出張聲勢以恐我而實爲且戰
且走之計

賊攻金山衛總兵俞大猷擊敗之

柘林新至賊乘銳來攻守者發矢石禦之賊
中傷者甚衆乃解去旣而又來攻大猷擊敗
之俘斬二百有奇

四月柘林賊分踪出掠

賊知官兵將搗其巢乃分兵四出以牽制我
師而川沙之賊先屯老鸛嘴者以聲援不繼
俱併入柘林

官兵擊賊於漕涇狼兵頭目鍾富等死之

辛未工部侍郎趙文華至松江祀海

文華以海濱多

寇爲壇於得勝港望祭焉旣恃寵眷又爲分
宜爪牙贖賄恣橫東南苦之不减海寇云

時調至廣西兵惟瓦氏最强總督尚書張公

經以其未習地利不欲輕試而文華思倖功

瓦氏利賊賞亦樂戰遂激令進兵至漕涇接

戰不利賊圍之數匝頭目鍾富黃維等一十四人俱死焉

五月川沙賊流劫諸邨鎮官兵邀擊之遊擊周藩戰死

戊戌川沙賊八百餘人劫閘港周浦車溝轉掠泗涇北斡山僉事董公邦政遊擊將軍周藩把總婁宇引兵追擊於朱涇軍半渡賊襲擊之藩被劊墮水死軍士死傷者幾二百人賊遂屯石塘橋流劫崑山石浦諸鎮

賊犯青邨所

乙巳賊舟三十餘艘突至攻青邨所不克遂焚舟登岸肆掠

賊臨府城官兵擊走之

賊過南門至西倉欲攻城爲保靖兵所敗而去

賊復巢柘林

賊自王江涇之敗皆遁出海新賊萬人復來據之未幾風雨大作出海之賊覆溺幾盡其餘黨復巢焉

七月知府方廉計殺柘林賊千人

時賊巢甚熾廉遣謀投毒井中賊死者千餘人斬首數百級

七月官兵擊賊於柘林海口敗之

時賊具舟五百艘出洋叅將盧鏜備倭王沛武生朱先追擊於柘林海口大破之擒斬六十八名顆僉事董公邦政總兵俞大猷又擊敗之獲其九舟邦政又敗之寶山洋斬首九十八級時柘林賊病疫死傷過半而總督尚書張公經侍郎楊公宜浙江提督都御史胡公宗憲調發水陸官兵分布按伏賊勢窮促乃爲遁歸之計

八月賊改屯陶宅

柘林賊出洋遭颶風颯溺備倭王世科把總等乘勢追擊覆其巨艦斬首二百八十餘級賊勢且急回柘林者九十八艘其走者又爲嘉定縣丞張潮及上海兵會勦滅之無遺回柘林賊焚舟登陸示無去志僅存十二艘於海口冀我兵不爲備也浙江提督都御史胡公宗憲料其必走預遣備倭王沛等設伏伺之賊果乘潮遁走沛等追及於金山海

洋盡犁其舟斬溺甚衆得脫者定海兵復過之於近洋乃改屯陶宅

九月官兵進搗陶宅賊巢指揮邵昇姚泓生員于岳俱死之

昇等陷陣殺賊賊已大敗乘勝進攻賊死守港岸昇等身先士卒賊乘高刺下遂遇害死焉

十月陶宅賊如上海

陶宅之賊過青邨所而北官兵邀擊之遂走上海

三十五年丙辰

二月賊首徐海復巢柘林

新塲賊首陳東自燬其巢來與之合

賊分掠縣境

三月賊據蔡廟堡官兵會擊大敗之

時賊新至滌缺總督侍郎胡公宗憲令兵備任公環會叅將喬基共擊之賊逃入蔡廟廢堡環乃以把總陳習攻東門車梁攻西門張惟孝攻西北顧鳴鵬攻西南賊死守官兵攻之戰方酣王賓等兵潛從東北入賊遂大敗

悉斬之

賊自滌缺登犯佐擊將軍宗禮擊敗之

陶宅賊爲官兵擊敗遁出海洋

總督侍郎胡公宗憲會浙直兵進搗陶宅賊
巢大敗之賊死者甚衆遁出滌缺外洋叅將
婁宇與把總王應麟復敗之於九團洋俘斬

踰百

僉事董公邦政擊賊於西菴平之

賊新至自金山登陸流劫至西菴總督侍郎
胡公宗憲檄邦政攻之賊大敗走匿法昌寺
邦政復火攻之斬馘無遺

滌缺賊合入乍浦

賊犯青邨所把總王應麟討平之

賊自青邨焚舟登陸應麟擊敗之賊匿民舍
官兵復火攻之賊突走爲官兵所截不得去
乃復匿民舍遂悉斬之

五月賊攻府城官兵擊却之追戰於泖湖澱山
湖皆破之

賊數百人突至西南城下緣梯而上我兵矢
石交發擊殺五六十人賊乃遁去掠福田寺

出溇湖把總劉鏜指揮朱崑等水陸攻之連戰逐北及於章練塘馬家兜皆大捷斬首五十六顆其別枝之在澱山湖朱家角者兵備任公環松江府同知張大顯蘇州府同知熊桴夾擊大破之斬首七十三級晦日賊攻府城官兵迎擊之賊中砲死者數十人乃退如上海


七月賊首陳東葉明改屯呂巷巡按御史周公如斗督諸軍擊走之

時賊首徐海屯乍浦遣陳東葉明屯呂巷牽制我師總督侍郎胡公宗憲部署大兵期必勦滅而猶陽爲招撫以款賊巡按御史周公如斗以賊不歸一卒難就緒萬一有泄其機於賊者蘇松禍不訾矣嚴督海防僉事董公邦政叅將婁宇把總王應麟等分布要害亟擊之連戰連捷賊敗衄死者甚衆初二日遁往乍浦是役也賊旣畏我兵之逼又利督撫之招相戒而遁自是蘇松寧謐胡公宗憲更無北顧之慮以迄成功云


按乙卯秋七月攻柘林賊方公廉時守松

郡遣謀毒賊巢中并死者千餘人乃丐者
穆一郎與朱夫力也一郎以五色粉墨塗
面漆身爲癩行乞賊中因盡知賊衆寡所
在以聞於官又與朱夫懷毒夜納井中賊
飲井水輒瞠目不能語土人通賊者告賊
飲於河故中毒不甚深然亦多死焉又張
二郎者善泅伏水中能月餘不食亦矯捷
善走死地甲寅應募誦賊數從水中鑿沉
賊舟時偵其情形且斬倭首以獻予之銀
牌不受勞以酒肉則受寇平論功應世襲
百戶加以章服妻以伎女皆辭行乞如初
方公開府江南訪得之寺中伽藍祠下使
領所犒金終笑不受與飲食欣然謝而去
竟莫解其誰何人也故曰戰勝於謀則乞
兒屠夫可以備行陣

上海縣境圖



四卷下五十



上海縣總論

上海與華亭同為雲間屬邑而形勝迥異守禦亦殊何哉賊之來也多自吳淞江而西南不五十里為黃浦黃浦逼近縣治賊至即抵城下矣然後分鯨循黃浦而南或由吳淞江而西皆可達郡城是一郡之要害在上洋上洋之要害在黃浦黃浦之要害在吳淞守吳淞江口拒賊上游守黃浦遏賊橫渡庶幾免夫

上海縣境考

上海在府治東北故稱華亭海秦時為海鹽北境
 梁武帝太清三年為前京縣地唐天寶中立華亭
 縣實為華亭境宋神宗時海舶輻輳即其地立市
 舶提舉司及權貨場為上海鎮以地居海之上洋
 亦稱上洋元至元二十三年分華亭東北五鄉建
 縣

東至川沙堡濱海五十里西至七寶鎮華亭縣
 界三十六里南至閔行鎮華亭縣界七十二里
 北至柵橋嘉定縣界二十八里東南至南匯所

華亭縣界八十里西南至莘莊鎮華亭縣界三
十六里東北至吳淞所嘉定縣界一十八里西
北至蟠龍塘華亭縣界一十四里自縣治至府
隸城九十里

上海縣城池考

上海宋時特爲海舶所駐之地元至元間開設縣
治原無城垣可守嘉靖三十二年邑人顧光祿從
禮奏請築城知府方廉知縣喻顯科始甃築之三
十六年府同知羅拱辰於城四門益以敵樓三楹
沿城益以箭臺二十座環濠益以土牆又於要害
處益以高臺層樓

城門

週圍凡九里高二丈四尺

池

東卽黃浦西南北三方各濶六丈深一丈七尺週圍濬繞外通潮汐

陸門

六座東曰朝宗西曰儀鳳南曰跨龍北曰晏

海小東曰寶帶小南曰朝陽

水關

三座其東者跨肇嘉浜其在小東門者跨方

敵樓

四座

平臺

二座

箭臺

二十座

窩舖

七十八座

雉堞

三千六百九十五

按邑尚意氣喜事功誌稱其流也失之夸

廼東濱大海易於致寇司民牧者其在移

下

風俗嚴輿衛使得道者多助乎甲寅寇至
 是邑然後侵郡城歷蘇常鎮以及淮揚西
 則沿海至嘉興湖州民風之得失關是邑
 之安危是邑之安危又關諸郡之治亂也

十八壘

高險


二十一壘

險要


二十二壘

平壘

上海縣備寇水陸路圖



四卷下五十五



上海縣備寇水陸路考

東濱大海

一由東門下黃浦入閘港五十里至南匯
所一由白蓮涇一由馬家浜至川沙堡皆

西濱海地方

西通華亭

其道有二一由龍華太平橋馬巷橋新橋

七寶龍歸菴泗涇洞涇至府城北門一由

黃浦收閔行入府城東門

北與嘉定為界

其道有三由北門出吳淞江歷柵橋南翔鎮以至嘉定縣之南門者正道也水陸俱可行或由西門歷盤龍黃渡或由東門歷黃浦江灣俱可至嘉定乃間道也非正道也

西北與崑山爲界

其道有二出北門由吳淞江柵橋西行至青浦歷安亭港口夏駕浦口千塹漫水港新洋江至崑山縣之東門者爲水路由柵橋封家浜安亭菜葭浜車塘呂巷至崑山

縣東南門爲陸路


東北抵吳淞所

由東門下黃浦出吳淞江沿江東北行五十里出江口爲大海吳淞所在焉

右水陸可通之道凡十有一其實江湖澤國四通八達賊舟無處不可出沒不能一一而設備也惟當摘其中之尤要者建寨柵剏團營專駐官兵以爲守禦之計其餘亦惟以遊兵行哨竒兵設伏輕兵出襲焉斯可矣計邑之險要有五曰南匯曰黃浦曰閔行曰烏泥

涇曰唐行詳見各圖說於後

南滙所險要圖



江門總局卷四下

吳

南滙所險要說

南滙所金山之中後所也下沙新場周浦八團諸鎮舊號富庶皆本所信地也嘉靖甲寅以來皆爲寇賊巢窟而所城孤立勢亦危矣乙卯歲嘗陷於賊今設把總一員常川駐劄爲上洋外護然賊之犯上洋也悉自吳淞江入黃浦逼臨城下南滙反在其外賊之來也惟慮我兵自內迎擊之耳誠練精兵於此俟賊之隙躡枚襲之賊可破也

南滙所城池考

南滙所係上海縣十九保地方在府城東北一百五十里在青邨北五十里地形如犁狀突出洋中勢向東南其三面皆海故謂之南滙背島寇每察風色分鯨於羊山馬蹟如東南風則此背大漈口當羊山之衝如東北風則此背四五六團洪當馬蹟山之衝蓋各堡止防一面而是堡獨三面受敵洪武十九年安遠侯經畧海防築堡以備島寇永樂十五年都指揮使谷祥增修弘治初指揮使翁熊重葺

城

週圍九里一百三十步高二丈二尺

池

濠周於城濶二十有四丈深一丈七尺

陸門

四座上各有樓

水關

四座

角樓

四座

敵臺

四座

箭樓

四十座

窩舖

二十六座

雉堞

二千三十六垛

二千三十六架

墩

二十六座

窩

四十座

箭

四座

城

南滙所兵防考

守禦南滙中後千戶所

洪武二十年建卽金山衛中後千戶所分置也

隸中軍都督府南至青邨界頭墪北至川沙界

八墪各二十五里南至海塘背至新場皆其信

地

千百戶所鎮撫司軍器局廣儲倉俱在城

內演武場在南門外

千戶四員

內考選掌印一員城操一員三巡一員屯

川沙堡險要圖



川沙堡險要說

川沙堡在南滙之北旱寨之南舊制南滙與吳淞所互爲應援然相去一百五十餘里又隔吳淞大江兵馬難以急渡賊至飛報且弗能達况提兵策應乎嘉靖甲寅賊據爲巢與老鸛嘴柘林新塲之賊相爲犄角本鎮遂成丘墟歲丁巳撫按奏請特爲築堡以千戶一員守之而隸於南滙把總淡得防禦長策然歷年倭寇之來也多自寶山登陸擄掠而南則旱寨川沙正當敵衝與南滙青邨緩急又有間也軍餘百名弓兵八十名果足備禦乎有事之時把總之兵豈肯棄南滙而守川沙乎今宜以把總駐劄此堡與卒一千名戍守有事與旱寨互爲首尾庶氣勢聯絡事權歸一而且無推諉之患矣

川沙堡城池考

川沙堡在吳淞所南一百二十餘里北距旱寨嘉
 靖三十六年巡撫都御史趙公忻巡按御史尚公
 維持兵備熊公桴從邑人喬鏜喬鏜字子聲詳王
 見倭患事蹟王
 潭建議 題請興築內設把總司守堡千戶公署
 百戶所軍器庫撫按行臺鐘鼓樓社學下沙三塲
 二塲鹽課司南踰巡檢司三林莊巡檢司演武塲

城一千二百八十三畧

城週圍四里

門四

門四座

雉堞

城一千二百九十三垛


川沙堡兵防考

川沙堡南至南匯六團五十里北至寶山六十里
東至海十二里西至上海縣治五十里皆其信地
洪武時以非險阻原無設兵嘉靖中倭人入寇乃
築堡撥南匯千戶一員督軍餘一百名守堡五十
名守川沙窪口而隸於南匯把總後以賊來登陸
從寶山而南掠者川沙正當其衝添設常川操練
土客兵五百三員名戰馬二十匹撥百戶二員專
領訓練汛時仍於南匯寶山寨等處每處每日撥
發軍兵一百名不分晝夜往來哨探有警飛報總

兵遊擊南匯寶山寨并上海以為聲援該堡為正
兵左右為奇兵

外寶山而南匯寶山寨五里其南為常川縣縣
奇安川水我川南匯寶山寨縣縣以湖來登製
築進南匯寶山寨一百餘里至正十
共九都以其劍則風險其險中對人人或八
東至南匯寶山寨十里其計此
川水至南匯寶山寨六十里

黃浦險要圖



黃浦險要說

按上洋之大水有二曰吳淞江曰黃浦黃浦在郡南境逼近

上海縣城戰國時黃歇命工開鑿土人相傳稱為黃浦又以歇故或稱春申浦云吳淞江

自關橋以西多淤塞而不通凡太湖以南嘉杭湖

之水悉入泖湖從黃浦出海其流反疾故賊舟之

入也或由綵淘港以犯嘉定或由黃浦以犯上洋

而吳淞江反為不便勢使然也黃浦去縣城不二

里賊易登犯萬一得入即橫行無忌矣守松之要

莫如黃浦舍此更無港口可收泊者必須大治兵

船嚴為守備遏賊上游使不得入浦方為上策然

守浦之法不宜株守浦口必令一府兵船分為三


哨一守黃浦口以捍縣城一哨吳淞江中以備救

援一守吳淞江口使賊不得入江則闔郡寧息矣

閔行鎮險要說

閔行鎮在上海縣十六保橫瀝東濱於大浦當縣治西南乃南匯陶宅諸處渡浦入府之通衢也往年島寇猖獗當道嘗設兵守之蓋其地雖屬上洋而設守實為府城捍衛計也且其南與葉謝相對屯兵於此可與葉謝互為應援非特遙張聲勢而已

烏泥涇險要圖



烏泥涇險要說

烏泥涇鎮在上海縣二十六保界華上二縣間嘗
 有田父得古碑地名賓賢里當縣治正南與浦東
 三林塘周浦鎮相望其地富饒可以屯結賊若自
 二鎮渡浦而西即為縣治若入犯府治亦由此道
 故烏泥涇閔行鎮均當設險匪直為縣治計實遏
 賊入郡城也

唐行鎮險要圖



唐行鎮險要說

唐行鎮唐行古稱橫溪以其岸橫泖也在縣治西一百二十里西

控泖湖為吳門要衝縣之水次倉在焉屯兵守之可以遏南北之衝也

林中丞評 今把總移鎮川沙矣早寨登陸

之寇可使當鋒黃浦最邇縣治水哨有船亦徒設已縱督之亦適恣其鹽販此在海防官加之意乎南滙與川沙聯絡寇至可得聲援閔行烏泥涇唐行諸鎮非有兵也保甲之法是可無講耳

上海縣巡司 弓兵數附

南澹巡司

洪武三年建於川沙地方設弓兵四十名往來巡邏

黃浦巡司

洪武六年建於黃浦之上閔行鎮設弓兵四十名往來巡邏

三林莊巡司

洪武六年建於三林塘鎮設弓兵四十名往來巡邏

青龍鎮巡司

洪武七年建於青龍鎮設弓兵四十名往來巡邏

吳淞江巡司

洪武五年建於吳淞江北岸設弓兵四十名往來巡邏

新涇巡司

自元以來有之洪武六年建於二十九保新涇設弓兵四十名往來巡邏

上海縣倭患事蹟

永樂二年甲申

四月倭寇海濱

嘉靖三十二年癸丑

二月賊破南滙所

自望日而後十日賊破城者再○南滙被圍官兵望風披靡奔竄幾盡有軍士李府者率其仲子香及族丁三十人力戰斬首四十餘級賊退十里吾軍稍安乘勝追逐有賊酋長丈許聲若雷府邀之戰不三合斬之於是賊

相誠避焉翌日復戰又斬其先鋒二人賊退
走府追戰再勝之伏賊蝟起萬矢齊發父子
身無完膚俱歿於陣次年四月賊再犯香第
忝爲哨官年方舞象仰天祝曰爲君父報不
戴之讐在此舉出戰獲三級以獻至夜賊潛
布雲梯魚貫而上一賊將登陣忝覺拔劍斬
之下視賊且蜂集忝急推城堞傾賊墮而死
者數人城賴以全明日大戰殺賊無算賊聞
其名呼曰誰是李三郎忝挺身響應與賊鬪
益力卒爲賊砲所斃

閏三月賊首鄧文俊等分掠縣境

四月賊首蕭顯焚掠縣境

蕭顯自浙至寶山肆掠通判劉本元統鎮江
上海民兵禦之癸未遇於連賓華橋大敗本
元沉菰蘆中一日夜僅免時上海未城縣尹
遁走賊遂焚掠縣市去

五月賊首蕭顯焚縣治鎮撫胡賢指揮武尚文
縣丞宗鰲死之

賊衆三百餘人自漕涇普子廟登岸擄舟出
閘港與水軍遇於高昌渡我兵不利壬子賊

千餘人從太平寺驟至焚上海漕船飽掠出海丁已賊自海口入合周浦賊共三百餘艘寇縣浙江領坑兵指揮黎鵬舉與鎮撫胡賢禦之鵬舉被鎗傷重賢力戰死焉賊乃衝縣市焚治所鎮海衛指揮武尚文建平縣丞宗鰲率家兵禦擊之尚文出東門遇賊游兵輒敗之乘勝進攻過蔓笠橋賊伏兵猝起以利刃斷馬足馬蹙尚文死之鰲亦戰死於縣南自是而後浦東沿海二百餘里間新舊之賊往來絡繹無虛日矣

前鋒丁爵指揮袁■追擊賊於清水窪力戰俱死之

六月官兵追擊賊首蕭顯大敗之

賊陷上海縣而南鎮江衛知事吳宗德追之本縣水兵據浦要賊驚潰爭舟溺死者不可數計守備解明道蘇州府同知任環伏兵吳淞江口遣數舟誘敵賊出海伏兵翼擊之追至寶山洋賊大敗俘斬九十九名顆死海中者不與焉

賊破南匯所

賊焚掠縣境官兵擊却之

辛巳賊焚掠上海西境六合知縣董邦政追擊於小灣敗之壬寅賊駕海舟入上海北宮前劫糧艘都司韓璽與監生梁家棟帥兵力戰斬首八十有奇乃解去知府方廉遂乘間築縣城撫按奏設海防道駐守以董邦政爲按察司僉事領之

十一月賊犯南匯所

三十三年甲寅

正月賊首蕭顯攻縣城官兵擊敗之

辛丑蕭顯自崇明縣南沙突出駕七巨舟入

吳淞江夜泊宋家港分兵四劫崇明水兵船

在東岸黎明接戰黃浦中敗績顯遂逼縣東

門穴民樓瞰城中攻城甚急時城初築未固

海防僉事董公邦政與署縣事常州通判劉

本學登陴督戰用神鎗手殺賊甚多出兵斫

營亦頗勝二月乙亥賊解圍去會兵備僉事

任公環統民兵三百僧兵八十來援賊舟泊

黃浦者百餘艘而自吳淞江南行者不計焉

任公環勒兵戰於葉謝鎮馬家浜斬獲頗多

援兵不繼僧大有西堂天移古峰等二十一
人死焉任公環整師復進追擊於五里橋習
家墳皆大捷賊乃驚懼走據史家浜浙江提
督都御史王公忬遣都指揮盧鏜浮海至戰
於界浜焚賊七舟斬首八十餘級進搗賊巢
大破之賊死者無算其別竄之在歸家港者
任公環復大敗之賊遁如浙西

三月賊首蕭顯據下沙新塲

四月賊攻南滙所

時所城圯賊襲攻之哨官李忝挺身獨戰死

焉

賊攻縣城

賊自嘉定而來

六月賊焚掠諸邨鎮

七月賊巢川沙

賊盤據川沙灣撤民房作營柵與柘林賊互
爲首尾叅將盧鏜進搗其巢遇伏力士丁千
斤馬八百死焉未幾分屯老鸛嘴襲我山東
兵海防僉事董公邦政率兵扼其北賊乃併
入老巢

賊攻南滙所

八月賊攻南滙所官兵擊敗之

都司韓璽奉軍門檄討南滙賊會少林僧應募至遂并統之以進焚其三艦辛巳戰於白沙灣斬賊首一百餘級僧了心徹堂一峰真元乘勝深入被害

三十四年乙卯

正月川沙賊攻南滙所

海防僉事董公邦政搗川沙窪賊巢破之

斬首五百餘級監生喬鏜率鄉兵追擊復大

敗之

教授韓崇福敗賊於黃浦

崇福善騎射奉臺檄至黃浦守禦崇福所統不數百人寇蜂至矢集舟如雨崇福弗動徐還射之無不命中斬馘而旋督府上其功擢

本府通判

三月賊圍縣城

賊五千餘人屯新塲下沙千餘人屯閘港數千人屯川沙俱進逼縣城時總督都御史張公經調集廣兵湖兵萬人駐松江府城賊乃

退入舊巢

賊復攻縣城官兵擊走之

壬寅倭賊數千人來攻縣城僉事董公邦政

出師迎擊有緋衣白馬賊衝擊甚銳甲士陳

瑞挺戈獨鬪斬之賊乃退瑞口啣賊首游浦

而渡觀者壯焉董公邦政立署為千戶

四月川沙賊遁出海官兵焚其巢

五月賊犯周浦閘港等處

戊戌原屯川沙窪賊復突犯周浦閘港車溝

擄民舟過黃浦分掠泗涇北簞山

總兵湯克寬敗賊於黃浦

辛酉倭寇三百餘人自南潯至葉鎮總兵

湯克寬與府同知都文奎逆擊於黃浦大勝

之渡浦來援者皆溺死

七月巡撫都御史曹公邦輔敗賊於雙溝

賊復巢川沙

九月官兵搗川沙賊巢擊走之

總督都御史楊公宜遣兵備副使任公環遊

擊將軍曹克新統川兵攻賊大敗之燬其巢

賊遁至吳淞所任公環復督舟師襲擊之斬

獲大半餘黨遁走清水窪

十月陶宅賊移屯周浦

壬戌朔賊自陶宅移屯周浦永定寺

閏十一月僉事焦公希程率川兵搗周浦賊巢大敗之

先是總督都御史楊公宜潛令武生胡亘朱先等設伏賊巢約縱火爲號命僉事焦公希程監督川兵與遊擊將軍曹克新乘雪夜襲之亘等縱火焚賊巢賊驚亂我兵四面伏起合擊大敗之斬首二百三十有奇而賊巢燬

焉

十二月官兵擊賊於新塲土兵頭目田菑田豐等死之

兵備副使任公環率永順保靖土兵勦新塲倭寇時賊衆二千餘人皆伏不出而詐令人舉火於數里外若將引去者土舍彭翹先入嘗之不見一人於是菑等爭入賊伏發遂皆死之

三十五年丙辰

正月賊首陳東巢新塲與葉明合踪叅將尚允

江甯縣志卷四
紹等與戰於四橋死之

允紹自青邨巡徼猝與賊遇追至四橋賊衆並合叢射殺允紹及指揮李田副東萊千戶郭勛崔彥章李尚節李鼎百戶趙武陳清士卒四百人並戰歿焉

二月新塲賊首陳東自燬其巢與柘林賊合賊掠縣境

三月賊犯南滙所官兵擊敗之

兵備副使任公環與叅將婁宇相繼大捷叅將婁宇把總王應麟敗賊於九團洋

五月賊攻縣城

戊午朔賊舟五十餘艘從吳淞江入泊上海北宮作雲梯攻城通判劉本學率縣人募死士固守積十七日外援不至賊佯退乙亥夜半賊乘守懈潛登西南隅守城卒楊鈿覺之大呼衆驚起賊刺鈿墮城下衆發矢石擊賊退去初賊抵城下潮落濠可涉渡比去則潮至矣賊衆盡沒濠中平日爲守城者勞斬其首數十級梟示城上賊過浦望見之號泣而去自是邑鮮倭患矣

按上海倭亂喬鎧慷慨尚義挺身擊賊倭
薄川沙鎧傾家財輸官爲築城塞川沙窪
口以防賊船收泊又募鄉兵四百防禦出
多斬獲鄉人賴焉同時有盛濟時募兵二
百保護新塲皆海上精悍之士赴敵善鬪
號盛家兵後錄功爲百戶辭不受又潘元
亦募兵三百俟倭至出擊輒殺之未幾卒
其功皆足多者故并及之

松江府土賊要害

華亭縣

出賊 就於本處聚劫

朱涇

在縣治西南二十六里東通黃浦西通
三泖南可達海鹽平湖北可達蘇州嘉
興爲出賊淵藪

曹涇

在縣治東南七十里介於柘林金山之
間爲鹽徒巢窟操艘出入波濤閑習如

馭馬

上海縣

出賊

閘港

就於本處聚劫

